

ВЫНСЬӦДӦМА

Коми Республикаса Веськӧдлан котырлӧн
2020 во лӧддза-номъя тӧлысь 15 лунся 304 №-а шуӧмӧн
(21 №-а содтӧд)

“Тыбью нюр” республика тӧдчанлуна
канму вӧр-ва заказник йылысь

ПОЛОЖЕНИЕ

1. Панас

“Тыбью нюр” республика тӧдчанлуна канму вӧр-ва заказник (водзӧ – заказник) артмӧдӧма “Коми АССР-ын заказникъяс да вӧр-ва памятникъяс индӧм йылысь” Коми АССР-са Министръяс Сӧветлӧн 1978 во вӧльгым тӧлысь 30 лунся 484 №-а шуӧмӧн.

Заказник лӧӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: “Тыбью нюр” республика тӧдчанлуна канму вӧр-ва заказник.

ООПТ-лӧн дженьыд ним: “Тыбью нюр” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьясӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъясӧ (водзӧ – заказникӧн веськӧдлысь орган).

2. Заказник артмӧдан медшӧр могъяс да сылӧн могъяс

2.1. Заказниксö артмөдöма сы могысь, медым видзны шöр пармалöн зонаувлы лöсялысь нюр системалысь эталон.

2.2. Заказниклöн шöр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö;

видзны ва экосистемаяслысь гидрологическöй режимсö;

туявны вöр-ва комплексъясын ывлывса процессъяссö да видзöдны экосистемаяслöн серпас вежсьöм бöрся.

3. Заказниклöн меститчанін да площадь

3.1. Заказник меститчö “Кöрткерöс” муниципальнöй районса муниципальнöй юкөнлöн да “Княжпогост” муниципальнöй районса муниципальнöй юкөнлöн мутасын Висер сиктсъянь 40 км рытив-войвывлань, Кöрт туй лесничестволöн Синдорса участковöй лесничестволöн 129-131 кварталъяслöн, Кöрт туй лесничестволöн Трактса участковöй лесничестволöн 1-22, 40-46, 57-67, 75-84, 93-101, 108-118 кварталъяслöн да Шойнатыса лесничестволöн Висерса участковöй лесничестволöн 1, 9, 27, 45-47, 65, 85, 86, 105, 106 кварталъяслöн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслöн площадьыс лöö 48200 га.

* Оз йöзöдсы.

4. Заказниклöн мудоръяс

4.1. Заказниклöн мудорыс мунö Кöрт туй лесничестволöн Синдорса участковöй лесничестволöн 130 кварталса 35 выделлöн рытив-лунвыв помсянь 130 кварталса 35 выделлöн рытиввыв мудорті, 129 кварталса 44

выделлөн лунвыв, рытиввыв да войвыв мудорьясті, 130 кварталса 34
выделлөн лунвыв, асиввыв да войвыв мудорьясті, 129 кварталса 30
выделлөн лунвыв, рытиввыв да войвыв мудорьясті, 130 кварталса 35
выделлөн войвыв мудорті, 131 кварталса 32 выделлөн войвыв, асиввыв да
лунвыв мудорьясті, 130 кварталса 35, 41 выдельяслөн асиввыв мудорьясті
участковй лесничестволөн мудорөдз. Водзө Көрт туй лесничестволөн
Трактса участковй лесничестволөн 19, 20 квартальяслөн войвыв
мудорьясті, 20 кварталлөн асиввыв мудорті, 21 кварталса 11 выделлөн
войвыв да асиввыв мудорьясті, 22 кварталса 27 выделлөн войвыв мудорті
лесничестволөн мудорөдз. Водзө Шойнатыса лесничестволөн Висерса
участковй лесничестволөн 1 кварталса 29 выделлөн рытив, войвыв да
асиввыв мудорьясті, 1 кварталса 27 выделлөн рытиввыв мудорті, 9
кварталса 4 выделлөн рытиввыв мудорті, 9 кварталса 2, 3 выдельяслөн
асиввыв мудорьясті, 9 кварталса 9, 12 выдельяслөн лунвыв мудорьясті
лесничестволөн мудорөдз. Водзө Көрт туй лесничестволөн Трактса
участковй лесничестволөн 46 кварталса 20 выделлөн асиввыв мудорті, 67
кварталса 3 выделлөн асиввыв мудорті лесничестволөн мудорөдз. Водзө
Шойнатыса лесничестволөн Висерса участковй лесничестволөн 27
кварталса 17 выделлөн рытиввыв, войвыв да лунвыв мудорьясті, 27
кварталса рытиввыв мудорті, 27 кварталса 26 выделлөн войвыв да асиввыв
мудорьясті, 47 кварталса 21 выделлөн асиввыв мудорті, 47 кварталса 21, 1, 7
выдельяслөн лунвыв мудорьясті, 27 кварталса 8 выделлөн асиввыв да
лунвыв мудорьясті, 46 кварталлөн асиввыв мудорті, 46 кварталса 1
выделлөн лунвыв мудорті, 46 кварталса 15, 17 выдельяслөн асиввыв
мудорьясті, 46 кварталса 17, 30 выдельяслөн лунвыв мудорьясті, 46
кварталса асиввыв мудорті, 45 кварталса 8 выделлөн войвыв да рытиввыв
мудорьясті, 45 кварталса 2 выделлөн асив-лунвыв мудорті, 45 кварталса 1
выделлөн асиввыв мудорті, 85 кварталса 1, 7 выдельяслөн асиввыв мудорті,
86 кварталса 33 выделлөн войвыв да асиввыв мудорьясті, 105 кварталса 4
выделлөн асив-войвыв мудорті, 106 кварталса 6 выделлөн войвыв, асиввыв
да лунвыв мудорьясті, 105 кварталса 4 выделлөн лунвыв мудорті, 105

кварталса рытиввыв мудорті сылөн рытив-войвыв помөдз. Водзё Көрт туй лесничестволөн Трактса участковёй лесничестволөн 118-108 квартальясса лунвыв мудорьясті, 108 кварталса 31 выделлөн рытив да войвыв мудорьясті, 108 кварталса 15, 17 выдельяслөн рытиввыв мудорьясті, 108 кварталса 17, 15 выделлөн войвыв мудорьясті, 109, 110 квартальясса войвыв мудорьясті, 93 кварталса 37, 30 выдельяслөн рытиввыв мудорьясті, 93 кварталса 30 выделлөн войвыв мудорті, 94 кварталса 5 выделлөн лунвыв, асыввыв да войвыв мудорьясті, 93 кварталса 18 выделлөн лунвыв, асыввыв да войвыв мудорьясті, 94 кварталса 4 выделлөн рытиввыв да войвыв мудорьясті, 77 кварталса 3 выделлөн рытив-лунвыв мудорті, 76 кварталса 3 выделлөн лунвыв мудорті, 75 кварталса 17 выделлөн лунвыв, рытиввыв да войвыв мудорьясті, 76 кварталса 3 выделлөн войвыв мудорті, 77 кварталса 3 выделлөн рытив-войвыв мудорті, 57 кварталса 41, 40, 31 выдельяслөн рытиввыв мудорьясті, 77 кварталса 3 выделлөн войвыв мудорті, 58 кварталса 42 выделлөн рытиввыв да войвыв мудорьясті, 59 кварталлөн рытиввыв мудорті, 59 кварталса 27 выделлөн войвыв мудорті, 60 кварталлөн рытиввыв мудорті, 60, 61 квартальяслөн войвыв мудорьясті, 41 кварталлөн рытиввыв мудорті, 40 кварталса 18 выделлөн лунвыв, асыввыв да войвыв мудорьясті, 41 кварталса 20 выделлөн войвыв мудорті, 42 кварталса 2 выделлөн рытиввыв мудорті, 18 кварталса 20 выделлөн рытиввыв да войвыв мудорті, 19 кварталлөн рытиввыв мудорті петан чутөдз.

Заказниклөн мутасё сідзжө тырвыйё пырöны Көрт туй лесничестволөн Синдорса участковёй лесничестволөн 129 кварталса 31 выдел, 130 кварталса 32, 27 выдельяс; Шойнатыса лесничестволөн Висерса участковёй лесничестволөн 1 кварталса 30, 31 выдельяс, 9 кварталса 1, 6-8, 13 выдельяс, 45 кварталса 1, 3 выдельяс, 46 кварталса 2-10, 12-14 выдельяс, 105 кварталса 5, 8, 10, 11, 13, 15-18 выдельяс, 1-3 выдельяс; Көрт туй лесничестволөн Трактса участковёй лесничестволөн 59 кварталса 24, 27-29 выдельяс, 77 кварталса 4 выдел, 93 кварталса 38-40 выдельяс, 108 кварталса 21-28, 35-37 выдельяс да 19, 20, 43-45, 60-66, 78-84, 95-101, 109-118

квартальясса став выдел.

4.2. Заказниклысь мудорьяссö петкөдлöма карта-схема вылын тайö Положение дорö 2 содтöдын*.

* Оз йöзöдсьы.

5. Заказниклön мудорьясын меститчысь видзан вөр-ва комплексъяс да налön компонентъяс

Заказниклön мудорьясö пырö Россиялön европаса асыв-войвывлön шөр пармаса зонавлön медыджыд нюр системаясысь öтилön юкөн, мый сöвмöма Тыбью ю йылын. Резерватлön медыджыд юкөннын меститчöны комплекснöй олиготрофнöй и мезоолиготрофнöй быдмөгьяслön участокъяс, кутшöмъяс лöсялöны вылыс да аапа нюръяслы.

Вылыс нюръяс лöсялöны шөр пармалön зонаувлы. Микрорельефыс ёнджыкасö мусюра-йөнöда. Быдмөгыс уна пöлöс, комплекснöй, артмö минеральнöй вердчöм условиеяс дорö бöрйысьтöм (олиготрофнöй) сикасьясъяссысь. Мусюра-йөнöда комплексъяс босьтöны площадьысь 70 %-öдз. Мусюръяс бура тöдчöны, нюр шöрын найö вöртöмöсь либö öтка да увтыртöм пожöм пуяса.

Туруна-куста ярусун ыджыдалö нюрвывса момга турун (*Chamaedaphne calyculata*), керч (*Ledum palustre*), обоеполöй понпир (*Empetrum hermaphroditum*), обыкновеннöй чöдлач (*Vaccinium uliginosum*) да мырпом (*Rubus chamaemorus*). Мусюрлön унджык öткотырлысь му веркöссö артмöдö рудовгöрд нюр нитш (*Sphagnum fuscum*) (проективнöй вевгтьöдыс 70-100 %), сорас моз пасйöма Руссовлön нюр нитш (*Sphagnum russowii*), сжатöй политрихум (*Polytrichum strictum*) да аномальнöй милия (*Mylia anomala*). Йөнöдьяс васöдöсь да мунны позьтöмöсь, öткымынын ваыс сулалö нитшка веркöсысь вылынджык. Татшöм ляпкыдджыкинъяслön öткотыръясыс этша сикасаöсь, гежöд туруна му веркöсаöсь.

Заказниклөн мутасын вылыс массивьяскөд өттшөтш ёна паськалөмаёсь аапа массивьяс. Налөн веркөсыс неуна гөпта, а сёртасыс нюжалө дорьяссянь шөрланьё. Тшөкыда найө меститчөны кык либө унджык олиготрофнөй мылькья массивлөн мудорьясын. Нюр массивьяслысь медыджыд площадьсө босьтөны мусюра-йөнөда комплексьяс, шөрас вуджөны мусюра-тыа-йөнөдаө. Мусюрьяс вылын быдмөгыс абуджык евтрофнөй, кызди йөнөдьясын. Мусюрьясын паськалөмаёсь олиготрофнөй нюрьяслы лөсялана куста-нитшка да куста-мырпома-нитшка өткотырьяс. Мусюра-йөнөда-тыа да мусюра-тыа комплексьяслөн ляпкыджыкиньясын быдмөгыс уна пөлөсджык, вылыс нюрьяслөн лөсялана комплексьяс серти, да уна пөлөс фитоценозысь артмөдөм мозаика сяма. Абуджык васөд участокьяс вылын быдмөны эжөранитшка өткотырьяс. Сэни ыджыдалө эжөр сикассясысь өти – бутыльчатөй эжөр (*Carex rostrata*), посни эжөр (*C. lasiocarpa*) либө ойдлан эжөр (*C. lasiocarpa*), а нитшка му веркөссө артмөдө папиллознөй нюр нитш (*Sphagnum papillosum*), вежласяна нюр нитш (*S. fallax*) да Йенсен нюр нитш (*S. jensenii*). Римпи дорө сетчөны кадвужа, кадвужа-нитшка, өчеретника, пухоноса фитоценозьяс. Йөнөд-римпиын му веркөсыс тшөкыда абу либө сийө гежөд.

Нюрса шорьяслөн да неыджыд юяслөн ойдланіньясын, сы лыдын Тыбью юлөн да сылөн вожьяслөн, вөрса дияслөн матигөгөрын, первичнөй тыяс гөгөрын да инясын, көни матын муйөж ва, кутшөмьяс озырөсь минеральнөй веществоясөн, паськалөмаёсь увтас массивьяс. Площадь серти найө төдчымөн кольөны мукөд сикас массивысь, но торьялөны быдмөгьяслөн унапөлөслунөн да уна сикас фитоценозьясөн. Быдмөгьяса му веркөсын ыджыдалөны субстрат озырлун дорө ыджыдджык корөмьяса евтрофнөй сикассяс. Пу ярусые пырджык абу, көть эськө уна өткотырын пасйөма пашкыр кызлысь (*Betula pubescens*), сибирса козлысь (*Picea obovata*) да обыкновеннөй пөжөмлысь (*Pinus sylvestris*) торйөн сулалысь пуяс.

Заказник петкөдчө сикас боксянь да ценотическөй ыджыд аслыспөлөслунөн. Тани аддзөма 100-ысь унджык быдмөг сикас.

6. Заказник торйөн ёна видзан режим

6.1. Заказниклөн мутасын оз позь вöчны овмөс нуөдан да мукөд удж, мый вöсна вермас торксыны экосистемаяслөн дзоньлуныс, сы лыдын:

- 1) капитальнөя стрöитан объектъяс стрöитөм;
- 2) линейнөй объектъяс стрöитөм, тайö Положениелөн 6.2 пунктун индөм случайяс кындзи;
- 3) пуяс да кустъяс кералөм да механическөя жугөдөм (виччысьтөм да аварийнөй ситуацияяс кындзи);
- 4) абу пуа вөр ресурсъяс, вөрса сёян-юан да бурдөдан быдмөгъяс заптөм да чукөртөм, индөм ресурсъяссө да быдмөгъяссө гражданаөн асланыс могъяс вылө заптөм да чукөртөм кындзи;
- 5) прөмыслөвөя кыйсьөм да промышленнөя чери кыйөм;
- 6) муяс бурмөдөм;
- 7) химия препаратъяс да мувердас видзөм да наөн вөдитчөм;
- 8) туйясысь, кутшөмъяс эмөсь, да торйөн индөм местаясысь бокин механизируйтөм транспортлөн ветлөм да сулалөм (заказник видзөм серти мероприятиеяс, а сіджжө вөр-ва комплексъяс да объектъяс видзөм да бөр лөсьөдөм серти мероприятиеяс нуөдөмкөд йитчөм случайяс кындзи), механическөй транспорт средствояс кындзи, кодъяс ветлөдлөны да сулалөны төвнас, кор усьөма лым сэк, кор оз лэдзны му эжөд, быдмөгъяс да вөр пуктасъяс жугөдөмсө;
- 9) туясян (корсьысян, геофизическөй, геологоразведочнөй) уджъяс, муывьса да механизируйтөм средствоясөн вөдитчөмкөд да му эжөд да быдмөгъяс тшыкөдөмкөд абу йитчөм уджъяс кындзи;
- 10) мупытшса озырлун, сы лыдын трунда, корсьөм да перйөм;
- 11) заказниклысь мутас ёгөсьтөм да няйтчөдөм, а сіджжө производство да потребление шыбласъяс меститөм (видзөм да гуалөм),

ортсö лэдзан ва нуödöм;

12) геологическöй, ботаническойкöй, зоологическойкöй да мукöд коллекция чукöртöм, наука-туялан могъяс вылö найöс чукöртöм кындзи заказникöн веськöдлысь органкöд сöгласуйтöмөн;

13) му эжöд да быдмөгъяс тшыкöдöм, вöчны позяна удж сикасьяс збыльмöдöм кындзи;

14) лэбач позъяс жугöдöм;

15) аншлагъяс, шлагбаумъяс, стендъяс, мудор петкöдлысь сюръяс, мукöд юöртан пас да индалысь, экологическойкöй ордымъясса да шойччан местаясса оборудование бырöдöм да торкöм, пуяс вылын гижалöм да пасъяс вöчöм.

6.2. Заказниклöн мутасын позьö:

1) нуödны наука-туялан уджъяс заказникöн веськöдлысь органкöд сöгласуйтöмөн;

2) кыйсьыны любительскöя да спортивнöя оланпастэчасöн урчитöм пöрадокын;

3) кыйны чери любительскöя да спортивнöя оланпастэчасöн урчитöм пöрадокын;

4) котыртны да нуödны вөр овмöс, нуödны вөръясын пöжарысь да санитарнöй боксянь видзчысьöмсö могмöдан мероприятиеяс вөр йитöдъяс ладмöдан юкөннын оланпастэчасöн урчитöм пöрадокын тайö Положениелöн 6.1 пунктса корöмъяс тöд вылö босьтöмөн;

5) стрöитны, выльмöдны, уджöдны линейнöй объектъяс сэк, кор найöс меститны мöд позянлуныс абу, а сідзжö заказник уджöдöмсö могмöдöм могысь, заказникöн веськöдлан органкöд сöгласуйтöмөн;

6) капитальнöя дзоньтавны линейнöй объектъяс заказникöн веськöдлысь органкöд сöгласуйтöмөн;

7) абу капитальнöй стрöйбаяс да сооружениеяс стрöитöм, кутшöмъяс йитчöмаöсь вöчны позяна удж сикасьяскöд;

8) эвакуируйтны ракетаяслысь торъялöм юкөнъяссö налөн усяніньясысь да нуödны ракетаяслысь торъялöм юкөнъяссö нуöм могысь

вөр инфраструктура лөсьөдөм серти уджъяс Россия Федерацияса вөр оланпастэчас серти;

9) нуөдны овмөс да мукөд уджлысь мөд сикасьяс, мыйясысь абу өлөдөма вөр-ваөн вөдитчан да гөгөртас видзан юкөнын оланпастэчасөн да тайö Положениён, оланпастэчасөн урчитөм пöрадокын.

7. Бөртас

7.1. Заказниксö, сы лыдын сылөн мутасын меститчысь вөр-ва комплексъяссö да налысь компонентъяссö, видзöны вөр-ваөн вөдитчан да гөгөртас видзан юкөнын оланпастэчас серти.

7.2. Заказниклөн вөр-ва комплексъяслы да налөн компонентъяслы лектор вöчан грöз артмөм дырйи сылөн мутасын вöчны позяна удж сикасьяссö дзескөдöны, недыр кад кежлö дугөдöны либö дугөдöны оланпастэчасөн урчитөм пöрадокын.

7.3. Заказниклысь мутассö места вылын индöны өлөдан да юöртан пасъяс сувтөдöмөн, а сідзжö торйөдöны тематическöй картография материалъяс вылын.

7.4. Заказниклөн вөр-ва комплексъяслы либö налөн компонентъяслы вöчөм лекторсö колö вештыны Россия Федерацияса оланпастэчас серти.

7.5. Йöзöс, кодъяс мыжаöсь заказник торйөн ёна видзан урчитөм режим торкөмын, кыскöны кывкутөмö Россия Федерацияса оланпастэчас серти.

7.6. Заказник торйөн ёна видзан урчитөм режимлөн уджалөм да сійöс могмөдөм серти мероприятияяс збыльмөдсьöны Коми Республикаса республиканскöй сьöмкуд сьöм да оланпастэчасөн абу өлөдөм мукөд öшмöс тшöт весьтö.

Пасйөд. Меститчанінсö да мудорьяссö опишитöма Кöрт туй лесничестволысь 1993 вося, Шойнатыса лесничестволысь 2013 вося вөр овмöс котырган да нуөдан материалъяс тöд вылö босьтөмөн.